

«Convivenza activa promova l'unitad»

Cazas: Festa culturala en trais linguatgs

DA GION NUTEGN STGIER / ANR

■ **Trais organisaziuns linguisticas da noss chantun èn s'unidas per ina festa comunabla cun in vast program cultural e linguistic. Cun in pled plain spiert e per part en rumantsch ha cusseglier federal Didier Burkhalter gudagnà en in culp la simpatia dals Grischuns.**

La diversità linguistica e culturala saja ina característica ed in element central da l'identità grischuna e svizra, ha ditg il cusseglier federal *Didier Burkhalter*. Questa diversità saja ina fermezza ed ina sfida permanente. La Lia Rumantscha, la Pro Grigioni Italiano e l'Unión dals Guaisers dal Grischun, quellas trais organisaziuns prestan ina lavur absolutamain necessaria per lur cuminanze linguisticas. A medem temp sajan ellas er punts tar autras cuminanze linguisticas e s'engaschian per la convivenza da las cuminanze linguisticas en il Grischun ed er ordaifer quel. Il minister da l'intern ha engrazià a las trais organisaziuns per lur en-

gaschi durabel a favur da la plurilinguitad e da la cultura en il Grischun. Didier Burkhalter ha ditg ch'il chantun Grischun saja sco

ina Svizra en miniatura e gioghia ina rolla essenziala per la convivenza da las culturas. La convivenza stoppia dentant vegnir vivi-

da dals umans e per quai saja quella festa a Cazas il meglia exempel.

> PAGINAS 10 ED 11



Hospitant tar la visita dal cusseglier federal a Cazas è er stada la Lia Rumantscha. Retschet l'aut giast da Berna han il president ed il secretari general da la Lia Rumantscha: Vincent Augustin, president Lia Rumantscha, Didier Burkhalter, cusseglier federal ed Urs Cadruvi, secretari general Lia Rumantscha (da san.). FOTO G. N. STGIER